

Resolución do 13 de abril de 2022 da Dirección Xeral da Academia Galega de Seguridade Pública de convocatoria á elección de praza proceso selectivo unitario para o ingreso nas prazas de vixilante municipal, convocado pola Orde do 23 de xuño de 2021 (DOG núm. 127 do 6 de xullo)

De conformidade co establecido na base 9 da Orde do 5 de outubro de 2021 pola que se convoca proceso selectivo para o acceso e ingreso nos corpos de Policía Local, escala básica, categoría de policía, quendas de acceso libre e concurso (DOG núm. 204, do 22 de outubro de 2021)

RESOLVO

Primeiro

Con data 6 de xullo de 2021 foi publicada no Diario Oficial de Galicia núm. 127 a Orde do 23 de xuño de 2021 pola que se convoca proceso selectivo unitario para o ingreso nas prazas de vixilante municipal.

Segundo dispón a convocatoria na base 8.1 da convocatoria “Unha vez rematado o proceso selectivo, o tribunal elaborará por orde decrecente de puntuación a lista de persoas aprobadas. O número destas persoas non poderá superar o de prazas convocadas.

Así mesmo, o órgano de selección elaborará, tamén por orde decrecente de puntuación, unha lista de reserva cun número de persoas aspirantes que será como máximo igual ao de persoas aprobadas. Na lista de reserva figurarán aquelas persoas aspirantes que, aínda que superaron as probas do proceso selectivo, non resultaron aprobadas por obteren unha puntuación inferior á da última persoa que obtivo praza.”

Ambas as dúas listas foron publicadas na páxina web da Agasp.

Con data 14/03/2022 o Tribunal designado para cualificar o proceso emite a resolución pola que se aproba a relación de persoas que superaron o proceso, así como a listaxe de reserva, ámbalas dúas por orde decrecente de puntuación.

Tendo en conta, polo tanto, o número de prazas convocadas a este proceso e a resolución do 14 de marzo do Tribunal designado para cualificar o proceso pola que se aproba a relación de persoas aprobadas e a listaxe de reserva previstas no punto 8.1 da convocatoria, convócase ás persoas que figuran nos Anexos I, II e III desta resolución, á reunión presencial para elixir praza por rigorosa orde da puntuación obtida neste proceso selectivo, que é a que figura nos Anexos desta resolución e que terá lugar o día **18 de abril de 2022 as 17:00 horas no salón de actos da Agasp.**

As persoas aspirantes deberán acudir ao acto de elección de praza previstas do DNI ou outro documento que acredite fidedignamente a súa identidade. No suposto de non comparecer persoalmente poderán ser representadas por terceiras persoas con poder notarial suficiente.

A concorrencia por parte das persoas aprobadas a esta reunión é obrigatoria nos mesmos termos e coas mesmas excepcións que se aplican á obriga de acudir ás probas das oposicións consonte o artigo 12 do Decreto 243/2008. Ás persoas convocadas que, estando obrigadas, non comparezan persoalmente ou por medio de representante **seranlles adxudicadas as prazas** que lles correspondan segundo a puntuación obtida no proceso selectivo, unha vez concluído o proceso de adxudicación daquelas ás persoas aprobadas presentes ou representadas, entre as



que quedasen sen adxudicar, salvo que manifesten **expresamente a súa renuncia** ben presencialmente ou ben nun documento asinado e remitido electronicamente á Agasp antes das **14:00 horas do día 18 de abril de 2022** (seleccion.agasp@xunta.gal).

Unha vez finalizado o acto de elección de praza, asignadas as prazas de acordo co previsto nas bases da convocatoria, a Dirección Xeral da Agasp publicará na súa páxina web a relación destas co nome das persoas ás cales foron adxudicadas e comunicaralles os datos aos concellos que correspondan, xunto coa data prevista para o comezo do preceptivo curso selectivo de formación e a documentación precisa que acredita o cumprimento dos requisitos exixidos para o seu nomeamento como funcionarios/ as en prácticas.

Segundo

Esta resolución, segundo o indicado no artigo 17 da Lai 1/2017, de 15 de xaneiro, da Academia Galega de Seguridade Pública, esgota a vía administrativa e poderá ser obxecto de recurso de reposición ou ser impugnada directamente ante a orde xurisdiccional contencioso – administrativa.

A Estrada, na data da sinatura electrónica

Santiago Villanueva Álvarez
Director Xeral da Agasp



Anexo I**Listaxe de persoas aprobadas**

NIF CIFRADO	Nome
***1531**	ACUÑA PEON, EDUARDO
***5585**	CELA LOPEZ, JUAN JOSE

Anexo II**Listaxe de reserva**

NIF CIFRADO	Nome
***2333**	PAZOS SIEIRO, JUAN ANTONIO
***7502**	LOPEZ ALVAREZ, RUBEN

Anexo III**Persoas que superaron todas as probas do proceso e que non figuran nin la listaxe de persoas aprobadas nin na listaxe de reserva**

NIF CIFRADO	Nome
***4154**	FIGUEROA VAZQUEZ, RODRIGO JOSE
***4845**	REBOLO LOPEZ, ALEJANDRO
***4792**	DIAZ PENA, HENRIQUE
***2615**	CARRILLO CALVO, ALBERTO

